

Broj: 03-32-3-52-1/25

Sarajevo, 03.04.2025. godine

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije Bosne i Hercegovine", broj: 15/05), a u cilju stvaranja uslova za održivi povratak i unapređenje obrazovnih kapaciteta, Federalno ministarstvo raseljenih osoba i izbjeglica raspisuje

## JAVNI POZIV

### za podršku osnovnim školama u povratničkim mjestima za opremanje informatičkih kabineta – učionica u periodu 2025. i 2026. godine

#### I - PREDMET JAVNOG POZIVA

Predmet javnog poziva je podrška osnovnim školama iz povratničkih mjesta na teritoriji Bosne i Hercegovine kroz upotrebu savremenih tehnoloških rješenja, što uključuje nabavku interaktivnih i multimedijalnih nastavnih sredstava, IT i druge opreme te resursa potrebnih za savremeni način učenja i nastave.

#### II – CILJ JAVNOG POZIVA

Cilj javnog poziva je pružiti podršku unapređenju obrazovnog procesa i stvaranje uslova za bolje obrazovanje u povratničkim zajednicama opremanjem STEM učionica (nauka, tehnologija, inženjering, matematika), koji će poboljšati kvalitet nastave, olakšati pristup informacijama i novim tehnologijama učenicima osnovnih škola.

#### III – PRAVO UČEŠĆA

Pravo učešća imaju sve javne osnovnoškolske ustanove (osnovne škole - centralne i područne škole), koje se nalaze u povratničkim mjestima, pod uslovom da ispunjavaju sljedeće kriterije:

- da su registrovane i djeluju kao javne osnovnoškolske ustanove, čiji je osnivač nadležni organ vlasti u skladu sa propisima koji se odnose na osnivanje osnovnih škola;
- da se nalazi u povratničkom mjestu na teritoriji Bosne i Hercegovine;
- da škola za koju se aplicira ima najmanje 10% učenika iz kategorije manjinskih povratničkih porodica.
- da škola nije korisnik donacije javnih institucija, u opremi koja je predmet poziva, tokom protekle 3 (tri) godine u vrijednosti većoj od 10 000 KM.

Područne škole mogu učestvovati na način da prijavu podnosi matična škola sa naznakom da se radi o projektu područne škole.

#### IV – OPĆI KRITERIJI I NAČIN PRIJAVE

Prijava na javni poziv treba obavezno da sadrži sljedeće dokumente:

1. Čitko popunjen i potpisan prijavni obrazac na javni poziv, koji je dostupan na internet stranici Ministarstva <https://fmroi.gov.ba/> ili se može preuzeti lično u Ministarstvu, na adresi Hamdije Čemerlića br. 2, Sarajevo;

2. Akt o registraciji ili osnivanju (original ili ovjerena kopija od strane nadležnog organa ne starija od 30 dana);
3. Izjava ovlaštene osobe, ovjerena pečatom, o broju učenika povratnika iz manjinskih povratničkih porodica u školi za koju se aplicira;
4. Izjava ovlaštene osobe, ovjerena pečatom, da u predhodne 3 (tri) godine nisu bili predmet donacije ili redovnog opremanja, u sredstvima koja su predmet poziva, od bilo kojeg javnog organa većoj od 10 000 KM.
5. Pored pismene prijave sa pripadajućom dokumentacijom **obavezno** je popuniti i elektronsku prijavu na linku: [PRIJAVNI OBRAZAC](#) što je sastavni dio prijave na ovaj javni poziv

## V – POSEBNI KRITERIJI I NAČIN IZBORA KORISNIKA

Izbor korisnika po osnovu ovog javnog poziva vršit će posebna komisija koju imenuje federalni ministar raseljenih osoba i izbjeglica. Komisija će razmatrati prijave u skladu sa odredbama ovog javnog poziva i procedurama za izbor korisnika. Komisija zadržava pravo provjere tačnosti podataka iz obrasca, uključujući i posjetu školi, te odbacivanja prijave koje ne ispunjavaju uslove ili sadrže netačne podatke.

Prednost za odabir u dodjeli imati će škole koje ispunjavaju slijedeće posebne kriterije:

- Veći procenat učenika povratnika iz reda manjinskih povratnika.
- Narativni opis plana korištenja opreme tražene na obrascu za prijavu, sa posebnim osvrtom na opis unapređenja i modernizacije nastavnog procesa doniranim sredstvima. Nije potrebno dostavljati predračune novčane vrijednosti tražene opreme.
- Preporuka lokalne zajednice (izdata od strane općine/grada, nadležnog ministarstva obrazovanja)
- Komisija također, na osnovu relevantnih podataka iz prijave, kvalitete plana korištenja opreme, ukupnog broja učenika, za odabrane škole donosi odluku o količini i vrsti donirane opreme.

## VI – FINANSIJSKA SREDSTVA

Planirana budžetska sredstva za realizaciju ovog javnog poziva iznose do 2.000.000,00 KM (slovima: dva miliona KM) za period od dvije godine.

Sa izabranim korisnicima će biti zaključeni ugovori o realizaciji pomoći po ovom javnom pozivu.

## VII – ROK ZA PRIJAVE I NAČIN DOSTAVLJANJA PRIJAVA

Podnosilac prijave obavezno popunjava sve rubrike prijavnog obrasca, označava ponuđene opcije upita i odgovara za vjerodostojnost svih unesenih podataka. Samo potpuno uneseni podaci će se koristiti prilikom vrednovanja prijave.

Dostavljanje prijave na javni poziv se vrši **lično ili preporučenom poštom na adresu:**

**Federalno ministarstvo raseljenih osoba i izbjeglica**  
**Hamdije Čemerlića 2**  
**71000 Sarajevo**  
sa naznakom

Prijava na „Javni poziv za opremanje osnovnih škola u povratničkim mjestima“.  
(Na poleđini koverta navesti naziv aplikanta, adresu i kontakt telefon)

**Rok za dostavljanje prijave je 25.04.2025 godine.**

Nepotpune, neuredne i neblagovremene prijave neće biti razmatrane.

### **VIII - OBJAVLJIVANJE REZULTATA**

Preliminarna i konačna rang lista odabranih projekata će biti objavljene na internet stranici Ministarstva [www.fmroi.gov.ba](http://www.fmroi.gov.ba).

### **IX – INFORMACIJE O JAVNOM POZIVU**

Za dodatne informacije zainteresovane stranke se mogu obratiti putem telefona: 033/294-109 ili putem e-maila: [muamer.omerika@fmroi.gov.ba](mailto:muamer.omerika@fmroi.gov.ba).

MINISTAR

Nerin Dizdar